

# بلياتشو

بلياتشو

شعر

أيمن يحيى

تصميم الغلاف: عمرو الحو

رقم الإيداع: 2019/7483

I.S.B.N:978- 977-6640-54-2

الطبعة الأولى 2019م



للنشر والتوزيع

الإدارة: 17 ش عزت باشا المطرية، القاهرة.

المدير العام: آية سعد الدين

مدير النشر: د. رامي عبد الباقي

هاتف: 01147633268 - 01099387500

E – mail:zeinpublish2017@gmail.com

Facebook: Zein Publish

جميع الحقوق محفوظة ©

أيمن يحيى

# بلياتشو

"شعر"

ديوان





إهداء

إلى روح خرجت من جسدي  
افتقدك كثيراً يا أبي



## أبويآ

تملي يا أبويآ توحشني  
اغمض عيني وآتخيل  
أيديك على كتفي بتميل  
وبتطبب  
تخف حمول جبال عني  
وأشوفه وهو مستني  
في عز البرد في الشباك  
وقلقه وخوفه على وشه  
وتنهيدته  
تسمع كل أهل الحي  
وفرحة عينه بتزغرط  
في لحظة لما شافني جاي  
وأشوف ضي العتاب آارج  
بحنيه

ياوادم اعقل  
يا وادم ارسى  
بلاش حرکات تجننى  
تملى عليك بتقلقى  
مالىش غىرك هالىسندى  
اوطى وأبوس اىدىه الاثنى  
وأقوله بابا أنا الغلطان  
وأعود وأغلط  
يعود تانى يسامحنى

جمىلك يا أبأ على راسى  
ولما الناس تجىب سىرتك  
أوام بأرفع كده راسى  
وبافتخر إن من صلبك  
ونطفة خارئة من ضهرك  
ورب الكعبة أنا بأمشى  
وطوب الأرض ىدعىلك  
يارىت تقدر تمد اىدىك  
فى ثانىه يا أبوىا راح أعىلك

متقلقشني

ونام كدة وأنت مطمئن  
دي كل الناس بتدعيلك  
وقلبي على الدعا يأمن  
أكيد صلواتي بتجيلك  
نصايحك يا أبا سانداني  
في عز الدنيا ما تميل  
تملي يا أبويا توحشني  
اغمض عيني واتخيل



## البراح

كان زمان الحب سهل  
والمشاعر شئ متاح  
والخيال مطلق سراحه  
حر عايش في البراح  
كنت تقدر بابتسامة  
يبقى ليل الناس صباح  
كلمة حلوة من شفايف  
أقوى من "أسف" "سماح"  
ليه بقيتوا زي بلياتشو  
في سيرك  
والقلوب بقى ضحكها  
مكروه وشرك  
كل واحد  
شال دماغه  
عاش في حاله

وقال وماله  
رافض اللقمة اللي  
حظه ومقسوماله  
والطمع من قلبه فاح  
كان زمان الحب سهل  
والمشاعر شئ متاح

## الحضن

متتعشمش  
في الأحضان  
عشان أوقات كتير بتغر  
تدوق الشهد  
في الأول  
وبتسرسب في آخره المر  
وفي أحضان  
بتسرق م الوجع روحك  
بكاك فيها  
يكون ترياق  
بيحقن عافية في جروحك  
وفي أحضان  
كما المرايات  
بتتعري قصاد منها  
بتغسل م الوجع روحك

توشوشها  
تطمئنها

## الدفاتر

لو تقلب  
في الدفاتر  
تلقى ناس بتقوي روحك  
ناس وجودهم  
يبقى فارق  
حضنهم بلسم جروحك  
ناس غياهم  
خلى قلبك  
قلب بور  
ضحكتك بهتانه .. زور  
ناس بريئة  
روحها حلوة  
تملى كل الدنيا نور  
ناس غياهم  
يقلب الدنيا لصحرا

متلقيش إنسان يرد  
وأنت مش حاسس بحد  
جيت أفتش  
وسط ناسي  
التقيتك أنتي بس  
ما أنتي كل الناس في بعض

## الدوبلير

ولإمتى هاتفضل تلعب  
دور الدوبلير  
ولإمتى جناحك متكتف  
مش حمل الطير  
تقطع مشاوير  
تجري وتتنطط تتعفرت  
علشان غيرك يوصل للخط  
تتهدل وسط الأمواج  
ولا توصل شط  
ما تجرب مرة  
تبص لبرة  
تشوف الدنيا  
ليه حابس روحك جوه ازازه  
وراضي تكون  
زي الأراجوز

جواك مهزوز  
كل أما تعوز  
ترجع فدان  
عاجبك يا جبان؟  
خانق جواك الإنسان  
وتلمي تقول "معلش" "عشان"  
وتلمي بتخلق للخوف  
كل الأعذار  
هو أنت بجد؟  
ولا أنت هزار؟  
العمر قرار  
يا تعيش وجناحك مفرود  
يا تكمل صف الطراير  
ولأمتي ها تفضل تلعب  
دور الدوبليز!!!!

## أنا دفيان

برغم البرد والأمطار  
أنا دفيان  
وطارد من مدينتي  
الكره والأحزان  
وكاتب ع البيبان ممنوع  
دخول إنسان  
ماهوش صادق  
ورافض يبقى فيها  
قلب مش عاشق  
وحتى لو هاعيش وحدي  
أنا موافق  
لأنني زهقت م الكداب  
وم الغشاش  
وم اللي يدق ع الأبواب  
بكلمة صدق منلقمهاش

وم الهباش  
وم اللي جوه منه وشوش  
مبنشوفهباش  
وتظهر بس وقت الغدر  
أنا طالب حاجات سهلة  
أنا طالبك يا نور الفجر  
ومش هازهق  
راح أستنى  
لآخر لحظة فيك يا عمر  
ولو محصلش وقابلتك  
ولا لحظه ه أكون ندمان  
برغم البرد والأمطار  
أنا دفيان

## بأحب حاجات كثير

بأحب الوضوح  
ماليش في الغموض  
وبأكره اللون الرمادي  
في الردود  
محدد وواضح  
يا أبيض يا أسود  
ولا أعرف أطنطن  
وأزيف وعود  
ولا أعرف أهلل  
وأطبل لكذبة  
ولا أنكر معاني الجمال  
في الوجود  
وأحب البراح  
وفارد لكل الحبايب جناح  
وحالف ما أضيع

دقيقة في عمري  
في حزن وكأبه  
لان اللي رايح  
لا يمكن يعود  
وأحب الهدوء  
وبسمة رقيقه تخلي  
المشاعر في ثانية تروق  
وصوتك يا ثومه  
في ساعة عصاري  
ولمة أخويا وأبويا وجاري  
وشعر لجاهين  
ولحظة ما غايب  
لوطنه يعود  
ماليش في الغموض

## بعد الثلاثين

من بعد الثلاثين بشوية  
بتشوف الدنيا بنضارة  
يمكن أنضح حبة شوية  
وكأنك راكب طيارة  
غضبك بيقل  
عقلك بينور ويبعث  
للناس الضل  
مبقاش بسهولة إنك  
تزعل م الناس وتمل  
لكن بتغيب من جواك  
الطفل وروحه العفوية  
بتفكر قبل ما تتكلم  
وبتعمل للدنيا حساب  
عفوية روحك محبوسة

ورا 90 باب  
لكن إياك يوم تستسلم  
وتقول عجزت  
عن نفسي أنا هفضل  
طول عمري  
من برا ومن جوة شباب

## بلياتشو

عشان إكمنه بلياتشو  
محستش اللي كان في عينيه  
وقالت عادي بهزر  
وكل الشله  
ضحكوا عليه  
وطبطب صاحبه على كتفه  
وقاله أنت مجرد show  
خفيف دمك  
عشان فنك  
كتير م الناس  
كده يحبوه  
ولكن اوعى يوم تنسى  
وتبقى أنت من الدراويش  
تعيش في الدنيا مهما تعيش  
يدوب نمره

يدوب واحد  
من الحرافيش  
ف لوها تطير في يوم  
ارجع  
بلاش أحسن وقص الريش

## بنعافر

وبنحاول

وبنعافر

ولا مرة القلوب ملّت

وبنزق الحياة يمكن

نلاقي الدنيا يوم حنّت

وبنصدق كلام اتقال

لعل الشمس لو طلّت

تزيل العتمة

م السكة

وتبسط ناس ملامحها

من الضلمه خلاص تعبت

وبنحاول

وبنعافر

ولا مرة القلوب ملّت



## جاءنا البيان التالي

جاءنا البيان التالي  
واتأكدت الأخبار  
إن عينك لما ترمش  
ليل يحل  
وأما تفتح  
تبتدي شمس النهار  
غمضهم نفسي أنام  
متخافيش  
برضه قلبي راح يشوفك  
في المنام  
طول ما عينك مفتوحين  
قلبي ممكن  
يبقى سهران لو سنين  
أصله مستخسر بجد  
لوفوتوا النور ويمشي

وابقي ثاني افتتاحهم  
شققشي بالنور في رمشي  
مش راح أمشي  
قبل ما يتوضى وشي  
من شعاعك  
زَملي بالنور بتاعك  
كل جسمي  
واعلني طلوع النهار  
أصل عينك لما تقفل  
ليل يحل  
وأما تفتح  
تبتدي شمس النهار

## حرية

برغم إن احنا  
بيننا كثير  
لكنك لسه مفهمتيش  
حاجات ياما  
كثير فييه  
أنا عطشان لحنيه  
تعبت كثير  
وقلبي خلاص  
كما العصفور  
يحب يطير  
يطير  
ويطير بحرية  
وصادق في الكلام دايمًا  
وبتعامل بعفوية  
وعايزك تبقي حزن يساع

مانيش طماع  
ساعتها هاتسکني عينيه  
برغم إن احنا  
بيننا کتير  
لکنک لسه مفهمتیش  
حاجات ياما  
کتير فيّه

## حَضَن جَدِيد

يا مين يوهب لي حَضَن جديد  
يكون أصلي مبيصديش  
مشاعره لسه ع الزيرو  
وأنا أجري له  
ودمي أعصره يطلع  
زيوت تضوي قناديله  
ويحكييلي  
وأسمع له  
ويشكييلي  
وأشكييله  
وأكون نجمات  
تنور عتمته في ليله  
وصوتي أقلبه كورس  
يغني ويا مواويله  
وأمسح دمعته بإيدي

وايدي تصير مناديله  
وأكون عطره  
وأكون قصره  
ينام تهدى أساريره  
وأكون مايه  
يمد دراعه يتوضى  
في عز البرد يتغطي  
يا مين يوهب لي حزن جديد  
يكون أصلي مبيصديش

## خايفة

وحابسه روحها جواها  
وخايفة تطير  
وخوفها م اللي جاي  
سارق خطاويها  
تفكر تمشي تتكعبل  
تملي كثير  
وماشية في سكة مش واضحة  
الخطوط فيها  
يا بنت عينها حزن وسيع  
ومش لايق عليها الحزن  
ما تيجي نعيش حياة سهلة  
هنلقى الدنيا لينا تحن  
ونتنطط  
ونتعفرت  
وفوق سور الوجع نخبط

نعيشها بشكل يبقى أجن  
وسيبى ضفايرك المخنوقة  
تتحرر  
تطير أكثر  
وخلي الضحكة تتمرر  
على شفايفك  
أنا شايفك  
ونفسي تشوفي نفسك مرة  
على راحتك  
هاتلقي حد تاني جديد  
متعرفموش  
هتلقى طفلة جواكي  
هتلقى بنت مجنونة  
هتلقى حد متمرد  
في روح عفوية معجونة  
ومستنيه منك بس  
تحميها  
تفكيها  
تخليها

تعيش الدنيا على كيفها  
بروح عصفير  
وليه حبساها جواكي  
ورافضاها في براحها تطير



## إحساس اللامبالاة

احساس اللامبالاة  
بيسود الموقف دلوقتي  
مابقتش بخاف من حاجة  
مبقتش بخاف من حد  
بسمع ولا حتى بفكر  
اكتب لكلامهم رد  
اليوم والتاني يعدوا  
عداد عمال بيعد  
يتعدّل حالها وتظبط  
أو تفضل مش ولا بد  
مابقتش ملهوج روجي  
مابقتش بأبص في ساعتني  
احساس اللامبالاة  
بيسود الموقف دلوقتي



## عشاق الحياة

يا كل عشاق الحياة  
إتجمعوا  
ياللا ازرعوا  
فدادين أمل  
أصل الممل  
عشش على جدار البيوت  
شَبَّك خيوطه العنكبوت  
ومفليش بديل  
تاني متاح  
غير إن بكره نغيره  
والشمس نورها نمرره  
والضحك صوته نرجعه  
يا كل عشاق الحياة  
اتجمعوا



## عينيها الوساع

عينيها الوساع  
بكل المحبة بتأمر وقلبي  
عليه الإجابة  
أوامرك تُتطاع  
ومش ضعف مني  
ولكن لإني  
بحبك بجد  
وزارع في قلبي  
جناين محبة  
وتسامح وود  
تدفيكي لما تحسي  
برعشة في ليلة يناير  
بيكسها برد  
في حضني أضمك  
وطابع محبة

على كل خد  
وكل اللي نفسك  
هتطلب يُطاع  
دي كل السعادة  
بتسكن في قلبي  
في لحظة ما تضحك  
عينيكى الوساع

## غياب

اعتیاد الغياب  
شئ ممیت للحب  
وأنتي ممكن  
تبقى جنبي  
بس غایبة  
برضه ممكن يبقى بينا  
مسافة لكن  
روحي فيكي لسه دايبة  
يا ما ناس في الحب صادقة  
ويا ما ناس في الحب دايبة  
والقلوب لما تحب  
عمرها بيصغر ويصغر  
حتى لو أعمارها شایبة



## فوق الرف

ركنت الدنيا فوق الرف  
وببكي م الحياة استكفيت  
ولما البرد نفش الريش  
دخلت في جلدك اتدفيت  
في عز التوهة والترحال  
عينكي ليا أهل وبيت  
ويا ما الدنيا سرقتي  
وخضتني  
وخذعتني  
وفي الآخر في حضنك جيت  
بتسرقني الحياة وزيفها  
ووردي يضيع  
مع خريفها  
بنبعد برضه وبشوفها  
عيونك قصة في الحواديت

بحسك وردة شفافة  
يا بنت قوية خوافة  
يا ضحكة عينها خطافة  
يا حلم حلمته واتمنيت  
ركنت الدنيا فوق الرف  
وبيكي م الحياة استكفيت

## قلب بكر

وقلبك لو مهواش بكر  
وعدى بجرح علم فيه  
ف شئ جدًا جدير بالذكر  
بانك حد معجب بيه  
وانك لو مشيتي في شوك  
أنا في ضهرك وهنعيه  
بلاش تستغربي كلامي  
وتفتكريني بشتغلك  
محضرك طريق نمشيه  
وقلب بجد يستاهلك  
أكيد بتقولي "من أمتي" ؟  
ده من مدة وأنا مراقبك  
وكان قلبي بيتوجع  
وأنا شايفك بتتخاني  
وكان نفسي أكون هو

وهو يحل في مكاني  
ونبدأ صفحة من بكرة  
وقلبي معاكي سانه عليه  
لإن ده شئ جدير بالذكر  
بأنك حد معجب بيه

## قلب طيور

أنا قلبي قلب طيور  
أنا زارعه حنية  
إنسان بسيط لكن  
قدراتي جنّيه  
لو تدخلني عشي  
أحميكي بعينيه  
واللقمه نقسمها  
مع نقطة المايه  
بالليل نزقزق سوا  
والصبح ملاغيه  
هاتنوري عشي ؟  
ولا أنتي مش جاّيه ؟  
أنا قلبي قلب طيور  
أنا زارعه حنية



## قلبك شارع ضيق

قلبك شارع ضيق  
وخلق الله ساكناه  
كله حواري وخنقة وزنقة  
وضلمه من جواه  
وأنتي بكل شطارة  
بانيه كباري مشاة  
زحمة قلبك  
خلت ياما قلوب جواه بتضيع  
قاسي بشكل فظيع  
بس الأغرب إن قلوب  
لخداعك ده بتطيع  
لي شباكك عني  
أنا مش واحد منهم  
قلبي إنا إشطرنهم  
قلب قديم في الحب

وقت الجد  
يحب بجد  
ووقت الغدر يبرق  
قلبك شارع ضيق

## قلوب صافية

وهاتلي معاك  
قلوب صافية  
عيون دافية  
ورجعلي كمان ضحكة  
على شفايف  
بتضحك بس بالعافية  
وهاتلي كمان  
بذور الصدق  
ازرعها في جينات أطفال  
عشان تطرح  
عيدان نعناع  
تجّري الدم في عروق  
أرضنا البائرة  
تفور ترجع كده ثائرة  
وهاتلي م العدالة جرام

يدوب يكفيننا بس جرام  
وكيس ألوان  
ألون وشها اليهتان  
وحبابة شجاعة عشان  
قلوب ماتت  
ضماير حتى تواريخ  
عمرها فاتت  
وأبدانها خلاص شاخت  
يدوب عايشاها بالعافية  
وهاتلي معاك  
قلوب صافية

## كائن ليلى

أنا السهران في عز الليل  
أنا اللي مصاحب القمر  
تنام الناس وتشيع نوم  
وأنا أبدأ بعدهم سهرة  
بأحس الليل كأنه الدار  
وبيئنا كلام وبالشفرة  
وبشكي له  
وبشكي لي  
وأروح له مكانه ويجيلي  
ويشهد بن فناجيلي  
على صحبتنا وكلامنا  
وياما ساعدني في خصامنا  
أنا وهي  
وكان شاهد على هجرك  
كتيرليه

وكان شاهد على الضحكة  
اللي ساكنة ملامحي وعينيه  
في يوم ما تعودى لأحضاني  
وشاهد حتى ع جناني  
وصمتي وكل تفاصيلي  
صلاتي وكل تراتيلي  
وحتى مجوني في البارات  
وحلم بيصحي بعد ما مات  
وصاحب خان  
وصاحب صان  
وصاحب ع الحقيقة بان  
وحلم جرى  
وحلم جبان  
من الآخر  
أنا كائن  
بيبدأ آخر السهرة  
ما أنا السهران في عز الليل  
أنا اللي مصاحب القمر

## كبرياء

فارد جناح الكرامة  
قد البراح كله  
أنا كبرياء طاير  
ولا حاجة بتشلّه  
ولا كنت يوم تابع  
للذل أو ضلّه  
والي يدوس حقي  
ولا حاجة بتحلّه  
يا أشرب في كأس العز  
يا أموت ولا لحظة  
أشرب في كأس ذلّة



## لدواعي السفر

لدواعي السفر  
بعلن عن بيع أحلامي  
في وطني  
وطني اللي بيكفر بالموهوب  
ويعلي الظالم والموهوم  
ومهد الهمة وبيدغدغ  
فيه الفرحة  
كل الفرسان لبسوا الطرحة  
الفرص السانحة  
بقت شارع بحيطان مسدود  
الغيط بقي سارح فيه الدود  
لدواعي السفر  
بعلن عن بيعها وأنا قلبي  
بينزف بالدم  
الفرح اتلم

كشكش جناحاته  
وبقى خايف  
ليموت بالسم  
لدواعي السفر  
بعلم عن بيعها وبتألم  
إن أنا في الآخر مستسلم  
بس أنا مغمصوب  
ضهري المصلوب  
مبقاش مستحمل أي وجع  
من أيها نوع  
خلص الموضوع

## مش فارس

وفي 100 حاجة شاغلاني  
ولا يشغلي شئ عنك  
وايه يسرقني من قلبك  
وأنا قلبي اكتمل منك  
وتوهت كثير  
وشوفت كثير  
وياما الدنيا غلبتني  
وبرجع تاني أغليها  
منيش فارس كما الفرسان  
تملي الخطوة بحسبها  
وبتعلق كثير بحاجات  
وبزهق منها وأسيها  
لكنك حاجة مختلفة  
قبلتي حياتي على عيها  
بكل جناني وبطيشي

وشخصيتي وتراكيها  
قدرتي ازاى تلميني  
وأنا عايش في 100 حته  
ساعات أسبوعي زايد يوم  
ساعات أسبوعي ده ستة  
لقيتك نوري في العتمة  
لقيتك ضلي في السكة  
في ضهري أنتي السند وأنتي  
جيراني وأهلي والعزوه  
نسيت سرمحتي في الشارع  
غفرتيلي 200 نزوة  
وأنا المشهور في وسط أصحابي بالمجنون  
عرفت العقل على إيدك  
معاهم ببقى جن شيطان  
ملاك هادي ما بين إيدك  
رميت حساباتي ورا ضهري  
وبتعامل على الفطرة  
ومهما يوزني شيطاني  
تأخذني فكرة ورا فكرة

براجع نفسي ألقاني  
قوام بجري على حضنك  
ف بعد ده كله تفتكري  
تاخذني حاجة يوم منك  
صحيح ولا حاجة شاغلاني  
ولا يشغلي شئ عنك



## هدوء

يارب أنا طالب  
حبة هدوء للبال  
والصبر ع المكتوب  
وارزقني قلب الطير  
بتعدي بالمشاوير  
مطمنة وراضية  
كل الهموم فيها  
ضارباها بالقاضية  
مليانة خير وبراح  
ومن الغبا فاضية  
بينها وبين النور  
كل العقود فاضية  
واثقة في رب الكون  
لو حتى مال الحال

يارب أنا طالب  
حبة هدوء للبال

## وشوش

في الشارع ياما  
تلاقي وشوش  
أطفال ووحوش  
مخاليق تتخانق  
ناس بتحوش  
وقلوب عمرانه بحب الله  
وقلوب جواها  
حنين مغشوش  
ووشوش يمالها  
جمال رباني  
ووش جماله دهان مرشوش  
وكثر مخاليق  
من كلمة صدق  
تبل الريق  
وجبان وجري

غشاش وبرئ  
وايدين بتنور  
عتمة ليل  
وايدين بتسد لخلق طريق  
ولسان معسول  
ولسان من كلمة  
تشب حريق  
وغلاية بتحلم  
بس بستر  
وناس بتهد وتبني عروش  
في الشارع ياما تلاقي وشوش

## وضوح

ما دام لسه  
النفس موجود  
ف أنا واقف  
أسد في الصف  
ومهما الحمل  
زاد برضة  
مصيره يخف  
ورأسي تملي مرفوعة  
لساني ع السؤال بيعف  
ومن عزمي الزمن فاشل  
في جسمي يحف  
ودايما كلمتي واضحة  
ولا بعرف أدور ولا ألف  
ما دام لسه

النفس موجود  
أنا واقف أسد في الصف

## الصبر

كتر المِحْن قوتني  
زادت عزيمة الصبر  
والليل دا مهما يطول  
هيجل بعده الضهر  
ولا عمر ضهري انحني  
طول عمري عايش حر  
الضربة بتقوي  
وتشد في ضلوعي  
وخروج خناجرها  
دي بداية لرجوعي  
والأزمة ادورها  
بمزاجي وف طوعي  
زارع في قلبي الخير  
طار كتر المِحْن قوتني  
زادت عزيمة الصبر



## حصيرة الخيال

معادشي في قلبي  
مكان لخناق  
ولا لفراق  
وقلبي زرعته  
جناين حنين  
خنقت الكأبة  
ورميتها في بير  
وعايش حياتي  
كأني في أجازة  
لمدة يومين  
وفارش في عقلي  
حصيرة الخيال  
ومليون سؤال  
راكنهم ورافض  
أفكر في حل

هتقفل شوية  
وشوية تحل  
وبالتالي إنك تعقد حياتك  
ده قمة غباء  
معادشي في قلبي  
مكان للخناق

## العزلة

العزلة صاحب جدع  
بتونسك وحدك  
لما البيان تقفل  
بأبها بيفتحك  
روحها خفيفة بجد  
ترتاح وترتاحك  
والفضفضة فيها  
تفتح سلك حلمك  
تسرح في ملكوتها  
بالحب بتضمك  
وتخاف عليك م الناس  
وكأنها أمك  
فيها اللي بيمثل  
إنه جدع وأصيل  
لكنه من ضهرك

بيغش ويخملك  
فيها اللي قدامك  
بيعلي من قيمتك  
لكنه كالحية  
بخبائه بيهدك  
وعشان كده دايمًا  
العزلة صاحب جدع  
بتونسك وحدك

## عيون الغجريت

حجر من قلبي يتحرك  
ويمهدد باقي الأحجار  
حبك يتوغل في صدري  
المعبد أوشك أن ينهار  
ما كنت أفكر في العشق  
بل كنت أشيد أسوار  
وبنظرة عشق سحرية  
من تلك العين الغجريت  
سلمت قلاعي وحصوني  
ورفعت الراية بيضاء  
اخترق السهم جدار القلب  
ما أقوى عيونك سوداء  
احتلت صدري وازاحت  
من قلبي عبق الثوار  
لم أسعي ابدا لأفواض

أفشيت بكل الأسرار  
أسلحتك حقا فتاكة  
فاقت أسلحة نووية  
عيناك وشفطاك بنادق  
تطلق أعيرة نارية  
لن أطلب امما متحدة  
تحميني من غزوك أبدا  
ما أجمل أن يبقى قلبي  
في براثن حبك محتلا  
زيدي قواتك سيدتي  
برا أو جوا بحرية  
لن تجدي مني مقاومة  
لن أرسل من عندي سرية  
سأراشق قلبك بالقبلات  
زيديني وجعا أو آهات  
وسأبقى دوما مولاتي  
جاسوس عيون العجربة